

Universitätsbibliothek Paderborn

Reverendissimi Ac Illustrissimi D.D. Antonii Godeau Episcopi Venciensis Viri Celeberrimi Theologia Moralis

Ex Purissimis Sacræ Scripturæ, Patrum Ac Conciliorum Fontibus Derivata,
Notis Theologicis Illustrata, Duasque In Partes Divisa

Complectens Tractatus I. De Fontibus Doctrinæ moralis. II. De præcipuis
ejusdem Fundamentis. III. De Peccatis. IV. De Legibus. V. De summario
dilectionis Præcepto. VI. De primo decalogi Præcepto. VII. De secundi
decalogi Præcepto

Godeau, Antoine

Augustae Vindelicorum, 1774

Caput II. Ostenditur moralem christianam mutabilibus niti principiis non
posse.

[urn:nbn:de:hbz:466:1-53562](#)

sum, mihi que ferio, ut eos sistam, allaborandum sanctus Cyprianus diserte monet inquiens: *Sed dissimulandi nunc locus non est, quando decipitur fraternitas nostra a quibusdam, qui dum sine ratione restituendæ salutis plausibiles esse cupiunt, magis lapsis obsunt.*

C A P U T II.

Ostenditur, Moralem christianam mutabilibus niti Principiis non posse.

Dei Filius est Christianorum Legislator; &, ut inquit sanctus Paulus 2. Cor. I. *non est in illo est & non*; videlicet non est mutationi subiectus, neque modo hoc, modo illud asserit. Legum enim mutatio, quæ fit ab hominibus, aut ab ignorantia, aut ab impotentia, aut a pravis eorum affectibus provenit. Cum casus omnes non prævideant, qui possunt illis accidere, quibus lex data est; cum neque vim neque voluntatem legibus obtemperandi subditis dare possint; cum legem condentes avaritia, aliove vitio agueant; nullus propterea admirari jure potest, si legem ejusdem conditor interdum mutare debeat, aut si lege sua mala nonnulla invehat, quæ non prævidit, dum alia curat vitare. Humanarum rerum ea est conditio, ut diu admodum in eodem statu nequeant permanere, siquidem mutationi creatura omnis subiecta est. At Jesus Christus hisce omnibus vitiis caret: corda hominum, quibus legem suam tradit, perfecte novit, eorum quippe dominus est, & quo vult, ea vertit; vim illis tribuit ad ea facienda, quæ præcipit;

cipit; æterna ejus sapientia, infinitaque bonitas illius opera moderatur; æternum suum est & immutabile imperium; æterna quoque & immutabilis lex est, qua illud regit. Hujus regni, inquit sanctus Augustinus, Rex est veritas, lex caritas, duratio æternitas. Ista veritas, istaque caritas nunquam murantur, nec quemquam fal-leret possunt.

Quamdiu in mundo fuit, legem suam firmavit verbis & exemplis, quæ infallibilis nostrorum morum essent regula. Tota vita Christi in ter-ris, ait sanctus Augustinus, per hominem, quem suscipere dignatus est, disciplina morum fuit. Quando in Cœlum rediit, illam ab Apostolis, & Evangelistis, ad id muneris ab eo electis, litteris consignari jussit. Non Angelis, non homi-nibus licet divinis his litteris aliquid addere, vel detrahere. Ipsos adversus Angelos sanctus Pau-lus anathema dicit, si fieri posset ut eorum ali-quis e Cœlo descendens iis contraria prædicaret, quæ ab Evangelistis & Apostolis doctri sumus. Sed licet nos, aut Angelus de cœlo evangelizet vobis, præterquam quod evangelizavimus vobis, anathema sit. Galat. 5. Evangelii præcepta, (inquit sanctus Basilius Regul. brev. resp. & in-terrogat. 112.) non mutantur neque temporum lapsu, neque variis humanarum rerum vicissitu-dinibus, firmaque semper ac immutabilia ita per-manent, sicuti e beato, infallibilique ore, quod illa edixit, prodierunt: homines vero nubibus æquiperantur, quæ huc illuc ab aere, ventisque circumferuntur.

Tres

Tres habemus leges, naturalem, scriptam, evangelicam. Lex naturalis suam semper vim obtinet, neque ulla in ejusdem præceptis mutatio potest contingere, immutabilia siquidem sunt ejusdem axiomata. Hoc nempe, quod tibi non vis fieri, alteri ne feceris: homines quoscunque sæculis omnibus obstringer absque æfatis, conditionisve differentia, neque unquam licebit, quod lex ista condemnat.

Legis Mosaice præcepta, quamdiu illa substi-
tit, immutabilia & invariabilia fuere: pro nullo
Hebræo distinctio admittebatur, aut exceptio;
ad litteram erat illa observanda, quicunque vero
illam violasset, absque ulla indulgentia morte
mulctabatur. Hanc ideo sanctus Paulus legem
mortis appellat 2. Cor. 3. erat siquidem *mini-
stratio mortis*. Traditionibus vero suis hujusce
legis præcepta Pharisei corruerunt, sicuti saepe
illis Jesus Christus exprobrat: *Quare & vos
transgredimini mandata Dei propter traditio-
nem vestram?* Matth. 15. Quid in Decalogo
est apertius, quam honor & subsidium parenti-
bus debitum? *Honora patrem tuum & matrem
tuam.* Hujusce tamen præcepti infirmandi
viam invenerunt Pharisei, votum scilicet quod
a filiis fieri petebant, substantias suas omnes
Templo dicandi, ut ibidem illis Dei Filius objec-
tit: *vos autem dicitis, quicunque dixerit patri,
vel matri: Munus quocunque est ex me, tibi
proderit.* A parentibus in necessitate juvandis
filios eximebant, illosque hoc pacto Dei man-
datum violare cogebant: *irritum fecisis manda-
tum Dei.* Ad Christum usque, qui ipsius erat
finis,

finis, hæc lex permanit: *finis legis Christus.* Cæremonalia ejus & politica præcepta sunt abo-
lita, solus viget Decalogus, qui ad legem na-
turalem pertinet.

A Mosaica lege Evangelium nos **exemit**; Evangelique lex non modo ad mundi usque
finem durabit, sed æternam fore fidenter assero:
cum enim tota in caritate sita sit; fide, speque abo-
litis, caritas permanebit: *Caritas*, inquit Aposto-
lus, *nunquam excidit.* Caritate jugiter agi in
hac vita deberemus; sed hic imminuitur motus
a concupiscentia, quæ in nobis perseverat, & a
morte dumtaxat destruetur. Beatorum corda in
Cœlo sola caritas implebit, Deumque ipsi per-
fecte non diligere nequibunt. Si recentiorum
plurium Casuistarum conclusiones perpendantur,
illarum plures ab hac caritate dissidere invenie-
mus, effrænemque hominis cupiditatem fovere,
cui obtemperare nunquam licet; quidquid enim
ex prava cupiditate fit, naturali hominum legi,
Dei & Evangelii præceptis adversatur (a).

CAPUT

(a) Inter Propositiones, hujusmodi arundineis Ca-
suistis familiares, Universitas Parisiensis, ac ple-
rique Galliæ Episcopi etiam hanc confixerunt:
Homo non est suarum opinionum mancipium, ideo-
que probabiles quasvis sententias potest ad libitum
mutare; puta, in materia morum.